

Rumantsch è ina lingua naziunala, ma ina lingua parzialmain uffiziala da la Confederaziun, numnadamain en la correspundenza cun persunas da lingua rumantscha. La translazion d'in relasch federal serva a l'infurmazion, n'ha dentant nagina validitat legala.

Lescha davart l'organisaziun da la regenza e da l'administraziun (LORA)

dals 21 da mars 1997 (versiun dal 1. da matg 2015)

Attenziun: Las midadas per ils 1.1.2016 n'èn betg anc integradas.

L'Assamblea federala da la Confederaziun svizra,

sa basond sin l'artitgel 173 alinea 2 da la Constituziun federala^{1,2},
suenter avair gi invista da la missiva dal Cussegl federal dals 16 d'october 1996³,
concluda:

Emprim titel: Princips

Art. 1 Regenza

¹ Il Cussegl federal è l'autoritat directiva ed executiva suprema da la Confederaziun.

² El sa cumpona da set commembres.

³ El vegn sustegni dal chancelier federal.

Art. 2 Administraziun federala

¹ L'administraziun federala è puttamessa al Cussegl federal. Ella cumpiglia ils departaments e la Chanzlia federala.

² Ils singuls departaments èn organisads en uffizis che pon vegnir unids a gruppas. Quellas han mintgamai in secretariat general.

³ Tar l'administraziun federala tutgan plinavant unitads administrativas decentralisadas a norma da lur decrets d'organisaziun.

⁴ La legislaziun federala po surdar incumbensas administrativas ad organisaziuns ed a persunas dal dretg public u privat che n'appartegnan betg a l'administraziun federala.

CULF 1997 2022

¹ CS 101

² Versiun tenor la cifra I da la LF dal 1. d'october 2010 (Protecziun da datas en il rom da l'utilisaziun da l'infrastructura electronica), en vigur dapi il 1. d'avrigl 2012 (CULF 2012 941; Fegl uffizial federal 2009 8513)

³ Fegl uffizial federal 1996 V 1

Art. 3 Princips da l'activitat da la regenza e da l'administraziun

¹ Il Cussegl federal e l'administraziun federala ageschan sin basa da la Constituziun e da la lescha.

² Els s'engaschan per il bainstar general, defendan ils dretgs dals burgais sco er las cumpetenzas dals chantuns e promovan la collavuraziun tranter la Confederaziun ed ils chantuns.

³ Els ageschan tenor ils princips da l'opportunitad e da la rentabilitad.

Art. 4 Responsabladad politica

Il Cussegl federal ademplescha las funcziuns guvernamentalas sco collegi.

Art. 5 Controlla da las incumbensas federalas

Il Cussegl federal controllescha regularmain, sche las incumbensas da la Confederaziun e lur adempliment sco er l'organisaziun da l'administraziun federala èn necessaris e correspundan a las finamiras che resultan da la Constituziun e da la lescha. El sviluppa soluziuns per l'agir statal ch'èn orientadas al futur.

Segund titel: Regenza**Emprim chapitel: Il Cussegl federal****1. part: Funcziuns****Art. 6** Incumbensas guvernamentalas

¹ Il Cussegl federal fixescha las finamiras ed ils instruments da sia politica guvernamentala.

² El dat la prioritad a l'adempliment da las incumbensas guvernamentalas.

³ El prenda tut las mesiras per garantir da tut temp l'activitat guvernamentalia.

⁴ El s'engascha per l'unitad statala e per la coesum naziunala, mantegnend la diversitat federalistica. El furnescha sia contribuziun, per ch'ils auters organs statals possian ademplir en moda cunvegnenta ed a temp lur incumbensas che resultan da la Constituziun e da la lescha.

Art. 7 Legislaziun

Cun resalva dal dretg d'iniziativa parlamentara maina il Cussegl federal la fasa preliminara da la procedura legislativa. El suttametta a l'Assamblea federala sbozs da midadas da la Constituziun, da leschas federalas e da conclus federrals e decretescha las ordinaziuns, uschenavant ch'el è autorisà da far quai sin basa da la Constituziun u da la lescha.

Art. 7a⁴ Stipulaziun autonoma da contracts internaziunals
tras il Cussegl federal

1 Il Cussegl federal po stipular en moda autonoma contracts internaziunals, uscheinavant ch'el è autorisà da far quai sin basa d'ina lescha federala u d'in contract internaziunal approvà da l'Assamblea federala.

2 El po er concluder en moda autonoma contracts internaziunals d'ina relevanza limitada.⁵

3 Sco contracts internaziunals d'ina relevanza limitada valan en spezial contracts che:

- a. na constitueschan naganas novas obligaziuns per la Svizra u n'han betg per consequenza ina renunzia a dretgs existents;
- b. servan ad exequir contracts ch'en vegnids approvads da l'Assamblea federala e reglan mo pli detagliadament ils dretgs, las obligaziuns u ils princips organisatorics ch'en gia cuntegnids en il contract da basa;
- c. sa drizzan a las autoritads e reglan dumondas tecnicas administrativas.⁶

4 Betg sco contracts internaziunals d'ina relevanza limitada na valan en spezial contracts che:

- a. adempleschan ina da las premissas per applitgar il referendum facultativ da contracts internaziunals tenor l'artitgel 141 alinea 1 litera d da la Constituzion federala;
- b. cuntegnan disposiziuns davart chaussas, nua che la regulaziun appartegna unicamain al champ da cumpetenza dals chantuns;
- c. chaschunan expensas unicas da passa 5 millioni francs u expensas periodicas da passa 2 millioni francs per onn.⁷

⁴ Integrà tras la cifra II 3 da l'agiunta da la Lescha dal parlament dals 13 da december 2002, en vigur dapi il 1. da december 2003 (CULF **2003** 3543; Fegl uffizial federal **2001** 3467 5428)

⁵ Versiun tenor la cifra I 1 da la LF dals 26 da settember 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (CULF **2015** 969; Fegl uffizial federal **2012** 7465)

⁶ Integrà tras la cifra I 1 da la LF dals 26 da settember 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (CULF **2015** 969; Fegl uffizial federal **2012** 7465)

⁷ Integrà tras la cifra I 1 da la LF dals 26 da settember 2014 davart la cumpetenza da concluder contracts internaziunals d'ina relevanza limitada e davart l'applicaziun provisorica da contracts internaziunals, en vigur dapi il 1. da matg 2015 (CULF **2015** 969; Fegl uffizial federal **2012** 7465)

Art. 7b⁸ Applicazion provvisorica da contracts internaziunals
tras il Cussegl federal

¹ Sche l'Assamblea federala è cumpetenta per approvar in contract internaziunal, po il Cussegl federal concluder u fixar l'applicazion provvisorica, sche la defensiun d'interess relevants da la Svizra ed in'urgenza speziala pretendan quai.

^{1bis} El desista da l'applicazion provvisorica, sche las cumissiuns cumpetentas da tuttas duas chombras èn cunter il contract.⁹

² L'applicazion provvisorica finescha, sch'il Cussegl federal na suttametta betg a l'Assamblea federala – entaifer 6 mais suenter il cumentzament da l'applicazion provvisorica – il sboz dal conclus federal davart l'approvazion dal contract respectiv.

³ Il Cussegl federal communityescha als partenaris da contract la fin da l'applicazion provvisorica.

Art. 7c¹⁰ Ordinaziuns davart la defensiun dals interess dal pajais

¹ Il Cussegl federal po decretar in'ordinaziun directamain sin basa da l'artitgel 184 alinea 3 da la Constituzion federala, sche la defensiun dals interess dal pajais preten- da quai.

² El limitescha adequatamain la durada da la valaivladad da l'ordinaziun; quella dastga importar maximalmain 4 onns.

³ El po prolungar ina giada la durada da la valaivladad. En quest cas scada l'ordinaziun 6 mais suenter che sia prolungazion è entrada en vigur, sch'il Cussegl federal na suttametta betg a l'Assamblea federala fin lura in sboz d'ina basa legala per il cuntegn da l'ordinaziun.

⁴ Ultra da quai scada l'ordinaziun:

- a. sche l'Assamblea federala refusa il sboz tenor l'alinea 3; u
- b. il pli tard cur che la basa legala tenor l'alinea 3 entra en vigur.

Art. 7d¹¹ Ordinaziuns davart il mantegniment da la segirezza interna u externa

¹ Il Cussegl federal po decretar in'ordinaziun directamain sin basa da l'artitgel 185 alinea 3 da la Constituzion federala per far frunt a grevs disturbis existents u smanatschans da l'urden public u da la segirezza interna u externa.

⁸ Integrà tras la cifra I 1 da la LF dals 8 d'october 2004 davart l'applicazion provvisorica da contracts internaziunals, en vigur dapi il 1. d'avrigl 2005 (CULF **2005** 1245; Fegl uffizial federal **2004** 761 1017)

⁹ Integrà tras la cifra I 1 da la LF dals 26 da settember 2014 davart la cumpetenza da concluder contracts internaziunals d'ina relevanza limitada e davart l'applicazion provvisorica da contracts internaziunals, en vigur dapi il 1. da matg 2015 (CULF **2015** 969; Fegl uffizial federal **2012** 7465)

¹⁰ Integrà tras la cifra I 1 da la LF dals 17 da december 2010 davart il mantegniment da la democrazia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (CULF **2011** 1381; Fegl uffizial federal **2010** 1563 2803)

¹¹ Integrà tras la cifra I 1 da la LF dals 17 da december 2010 davart il mantegniment da la democrazia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (CULF **2011** 1381; Fegl uffizial federal **2010** 1563 2803)

² L'ordinaziun scada:

- a. 6 mais suenter ch'ella è entrada en vigur, sech'il Cussegl federal na suttametta betg a l'Assamblea federala fin lura in sboz:
 1. d'ina basa legala per il cuntegn da l'ordinaziun, u
 2. d'ina ordinaziun da l'Assamblea federala tenor l'artitgel 173 alinea 1 litera c da la Constituziun federala che remplazza l'ordinaziun dal Cussegl federal;
- b. suenter che l'Assamblea federala ha refusà il sboz tenor l'alinea 3; u
- c. cur che la basa legala u l'ordinaziun da l'Assamblea federala che remplazza l'ordinaziun dal Cussegl federal entra en vigur.

³ In'ordinaziun da l'Assamblea federala tenor l'alinea 2 litera a cifra 2 scada il pli tard 3 onns suenter ch'ella è entrada en vigur.

Art. 7e¹² Disposiziuns davart la defensiun dals interess dal pajais u davart il mantegniment da la segirezza interna ed externa

¹ Il Cussegl federal po decretar ina disposizion directamain sin basa da l'artitgel 184 alinea 3 u da l'artitgel 185 alinea 3 da la Constituziun federala:

- a. sche la defensiun dals interess dal pajais pretenda quai; u
- b. per far frunt a grevs disturbis existents u smanatschants da l'urden public u da la segirezza interna u externa.

² Il Cussegl federal infurmescha l'organ cumpetent da l'Assamblea federala il pli tard 24 uras suenter ch'el ha decretà sia disposizion.

Art. 8 Organisaziun e direcziun da l'administraziun federala¹³

¹ Il Cussegl federal fixescha l'organisaziun adequata da l'administraziun federala ed adatta quella a las circumstanzas. Per far quai po el divergiar da las disposiziuns organisatoricas d'autras leschas federalas; exceptads èn cas, nua che l'Assamblea federala limitescha explicitamain la cumpetenza organisatorica dal Cussegl federal.¹⁴

² El promova la capacidad da prestaziun e d'innovaziun da l'administraziun federala.

³ El surveglia permanentamain e sistematicamain l'administraziun federala.

⁴ Tenor las disposiziuns spezialas controllescha el las unitads administrativas decentralisadas ed ils pertadres d'incumbensas administrativas da la Confederaziun che n'appartegnan betg a l'administraziun federala.

¹² Integrà tras la cifra I 1 da la LF dals 17 da december 2010 davart il mantegniment da la democrazia, dal stadi da dretg e da l'abilitad d'agir en situaziuns extraordinarias, en vigur dapi il 1. da matg 2011 (CULF 2011 1381; Fegl uffizial federal 2010 1563 2803)

¹³ Versiun tenor la cifra I da la LF dals 22 da mars 2002 davart l'adattaziun da disposiziuns d'organisaziun dal dretg federal, en vigur dapi il 1. da favrre 2003 (CULF 2003 187; Fegl uffizial federal 2001 3845)

¹⁴ Versiun tenor la cifra I da la LF dals 22 da mars 2002 davart l'adattaziun da disposiziuns d'organisaziun dal dretg federal, en vigur dapi il 1. da favrre 2003 (CULF 2003 187; Fegl uffizial federal 2001 3845)

⁵ Uschenavant che quai è cunvegnett, fixescha el las finamiras strategicas per las suandardas unitads autonomas:

- a. las persunas dal dretg public u privat:
 1. che n'appartegnan betg a l'administratzion federala,
 2. ch'èn vegnidas creadas tras la legislaziun federala u da las qualas la Confederaziun tegna la maioritad dal chapital e da las vuschs, e
 3. che han survegnì incumbensas administrativas;
- b. il sectur da las SPF.¹⁵

Art. 9 Execuziun e giurisdicziun

¹ Il Cussegl federal procura l'execuziun dals decrets e dals ulteriurs conclus da l'Assamblea federala.

² El exequescha la giurisdicziun administrativa, uschenavant ch'el ha survegni questa cumpetenza da la legislaziun.

Art. 10 Infurmazijun

¹ Il Cussegl federal garantescha per l'infurmazijun da l'Assamblea federala, dals chantuns e da la publicitat.

² El infurmescha en moda unitara, a temp e cuntuadament davart sias valitaziuns da la situaziun, davart sias planisaziuns, davart sias decisiuns e davart sias mesiras.

³ Resalvadas restan las disposiziuns spezialas davart la protecziun d'interess publics u privats predominants.

Art. 10a¹⁶ Pledader dal Cussegl federal

¹ Il Cussegl federal designescha in commember directiv da la Chanzlia federala sco pledader dal Cussegl federal.

² Il pledader dal Cussegl federal:

- a. infurmescha la publicitat per incumbensa dal Cussegl federal;
- b. cusseglija il Cussegl federal e ses commembers en dumondas da l'infurmazijun e da la communicaziun;
- c. coordinescha l'activitat d'infurmazijun dal Cussegl federal, dals departaments e da la Chanzlia federala.

¹⁵ Integrà tras la cifra I 2 da la LF dals 17 da december 2010 davart la participaziun da l'Assamblea federala tar la direcziun da las unitads daventadas autonomas, en vigur dapi il 1. da schaner 2012 (CULF 2011 5859; Fegl uffizial federal 2010 3377 3413)

¹⁶ Integrà tenor la cifra I da la LF dals 24 da mars 2000 (CULF 2000 2095; Fegl uffizial federal 1997 III 1568, 1999 2538). Versiun tenor la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

Art. 11 Communicaziun cun la publicitat

Il Cussegl federal tgira las relaziuns cun la publicitat e s'infurmescha davart las opiniuns e las aspectativas exprimidas en la discussiun publica.

2. part: Procedura ed organisaziun**Art. 12** Princip collegial

1 Il Cussegl federal prenda sias decisiuns sco collegi.

2 Ils commembers dal Cussegl federal represchentan las decisiuns dal collegi.

Art. 12a¹⁷ Obligaziun d'infurmaziun

1 Ils commembers dal Cussegl federal ed il chancelier federal infurmescan il Cussegl federal regularmain davart lur affars ed en spezial davart las ristgas e davart las sfidas pussaivlas ch'en colliadas cun quai.

2 Il Cussegl federal po pretender tschertas infurmaziuns da ses commembers sco er dal chancelier federal.

Art. 13 Tractativas

1 Il Cussegl federal prenda decisiuns da gronda impurtanza u da relevanza politica suenter las avair tractadas cuminaivlamain ed a medem temp.

2 El po liquidar ils ulteriurs affars en ina procedura simplifitgada.

3 Il cuntegn essenzial da las tractativas e las decisiuns dal Cussegl federal veggan adina fixads en scrit. Il protocol dal Cussegl federal garantescha la chapaivladad da las decisiuns; el serva al Cussegl federal sco instrument directiv.¹⁸

Art. 14 Prescrizioni

Sche necessari fixescha il Cussegl federal las finamiras tematicas ed il rom ch'i dovrà per preparar ils affars da gronda impurtanza u da relevanza politica.

Art. 15 Procedura da cunrapport

1 Ils affars, davart ils quals il Cussegl federal ha da decider, veggan suttamess als commembers dal Cussegl federal per il cunrapport.

2 La procedura da cunrapport veggia reglada da la Chanzlia federala.

¹⁷ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

¹⁸ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

Art. 16 Convocaziun

- ¹ Il Cussegl federal sa raduna uschè savens sco quai ch'cls affars pretendan.
- ² Il Cussegl federal vegn convocà tras il chancelier federal per incumbensa dal president da la Confederaziun.
- ³ Mintga commember dal Cussegl federal po pretender da tut temp da far ina tractativa.
- ⁴ En cas urgents po il president da la Confederaziun divergiar da la procedura ordinaria da convocaziun e da tractativa.

Art. 17 Reuniuns e sedutas spezialas

Per dumondas da fitg gronda impurtanza fa il Cussegl federal reuniuns e sedutas spezialas.

Art. 18 Presidi e participaziun

- ¹ Il president da la Confederaziun maina las tractativas dal Cussegl federal.
- ² Ultra dals commembers dal Cussegl federal sa participescha il chancelier federal cun vusch consultativa a las tractativas dal Cussegl federal. El ha il dretg da far propostas per l'adempliment da las incumbensas da la Chanzlia federala.¹⁹
- ³ Ils vicechancelliers fan part da las tractativas, nun ch'il Cussegl federal disponia autramain.
- ⁴ Sch'i para inditgà al Cussegl federal per esser infurmà e per furmar sia opinium, envida el a sias tractativas persunas da cader sco er experts da l'administratzion federala u d'ordaifer.

Art. 19 Abilitad da decider

- ¹ Las tractativas dal Cussegl federal èn valaivlas, sche almain quatter commembers dal Cussegl federal èn preschents.
- ² El decide cun la maioritat da las vuschs. L'abstensiun da la vusch è admissibla; in conclus è valaivel, sch'el survegn almain las vuschs da traís commembers.
- ³ Er il president votescha. En cas da paridad da las vuschs quinta sia vusch duas giadas, nun ch'i sa tractia d'elecziuns.

Art. 20 Obligaziun da prender recusaziun

- ¹ Ils commembers dal Cussegl federal e las persunas numnadas en l'artitgel 18 prendan recusaziun, sch'els han in interess persunal direct vi d'in affar.

¹⁹ Versiun da la segunda frasa tenor la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

² Per prender disposiziuns u per decider davart recurs valan las disposiziuns da recusaziun da la Lescha federala dals 20 da december 1968²⁰ davart la procedura administrativa.

Art. 21 Exclusiun da la publicitat

Las tractativas dal Cussegl federal e la procedura da cunrapport tenor l'artitgel 15 n'en betg publicas. L'infirmazion sa drizza tenor l'artitgel 10.

Art. 22²¹ Substituziun

¹ Per mintgin da ses commembers designescha il Cussegl federal in substitut ord ses mez.

² Mintga commember dal Cussegl federal procura – en cas d'eveniments nunprevisibles – che ses substitut vegnia infurmà svelt ed en moda cumplessiva davart ils affars impurtants e davart las dumondas che ston vegnir decididas.

³ Mintga commember dal Cussegl federal sco er ses substitut procuran per ina surda da en moda ordinada dals affars.

Art. 23²² Delegaziuns dal Cussegl federal

¹ Per tscherts affars po il Cussegl federal nominar delegaziuns ord ses mez. Quellas sa cumponan per regla da traïs commembers.

² Las delegaziuns preparan las tractativas e las decisiuns dal Cussegl federal u fan – en num dal collegi – tractativas cun autres autoritads svizras ed exteriuras u cun persunas privatas. Ellas n'han naginas cumpetenças da decisiun.

³ Ellas infurmeschan regularmain il Cussegl federal davart lur tractativas.

⁴ La Chanzlia federala maina il secretariat che protocolescha en spezial las tractativas en las delegaziuns e che fa la documentaziun.

Art. 24 Ordinaziun davart l'organisaziun

Il Cussegl federal regla en in'ordinaziun, co ch'el ademplescha sias funcziuns en il cas singul.

Segund chapitel: Il president da la Confederaziun

Art. 25 Funcziuns en il collegi guvernamental

¹ Il president da la Confederaziun maina il Cussegl federal.

²⁰ CS **172.021**

²¹ Versiun tenor la cifra I da la LF dals 28 da settember 2012, en vigur dapi il 1. da schaner 2014 (CULF **2013** 4549; Fegl uffizial federal **2002** 2095, **2010** 7811)

²² Versiun tenor la cifra I da la LF dals 28 da settember 2012, en vigur dapi il 1. da schaner 2014 (CULF **2013** 4549; Fegl uffizial federal **2002** 2095, **2010** 7811)

² Il president da la Confederaziun:

- a. procura ch'il Cussegl federal cumenzia e termineschia sias incumbensas a temp, en moda adequata e coordinada;
- ab^{is}²³ coordinescha ils affars d'impurtanza essenziala, als quals plirs departaments èn participads u che han ina impurtanza pli gronda per la Svizra;
- b.²⁴ prepara las tractativas dal Cussegl federal, tractandescha ils affars che ston vegnir deliberads ed intermediescha en cas da dumondas disptaivlas;
- bb^{is}²⁵ po incumbensar in commember dal Cussegl federal da suttametter al Cussegl federal in tschert affar fin ad in termin fixà;
- c. controllescha che la survegllanza dal Cussegl federal sur l'administraziun federala vegnia organisada ed exequida adequatamain;
- d. po ordinar da tut temp scleriments davart tscherts affars e propona eventualmain al Cussegl federal mesiras adattadas.

Art. 26 Decisiuns presidialas

¹ En cas urgents ordinescha il president da la Confederaziun mesiras preventivas.

² Sch'i n'è betg pussaivel da far ina tractativa ordinaria u extraordinaria, decida il president da la Confederaziun empè dal Cussegl federal.

³ Questas decisiuns ston vegnir suttamessas posteriuramain a l'approvaziun dal Cussegl federal.

⁴ Il Cussegl federal po plinavant autorisar il president da la Confederaziun da decider sez davart affars da natira per gronda part formala.

Art. 27 Substituziun

¹ Sch'il president da la Confederaziun è impedì d'exequir sias funcziuns, suriglia il vicepresident sia substituziun e liquidescha tut las incumbensas presidialas.

² Il Cussegl federal po delegar al vicepresident tschertas cumpetenzas presidialas.

Art. 28 Represchentazиun

Il president da la Confederaziun represchenta il Cussegl federal en Svizra ed a l'exterior.

²³ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

²⁴ Versiun tenor la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

²⁵ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

Art. 29 Colliaziun cun ils chantuns

Il president da la Confederaziun tgira las relaziuns da la Confederaziun cun ils chantuns en affars cuminaivels da natira generala.

Art. 29a²⁶ Servetsch presidial

1 Il president da la Confederaziun dispona d'in servetsch presidial per ademplir sias incumbensas spezialas, cunzunt per las relaziuns internaziunalas, per la communicaziun, per il protocol e per dumondas organisatoricas.

2 Il servetsch presidial è integrà en la Chanzlia federala.

Terz chapitel: Il chancelier federal**Art. 30** Funcziuns

1 Il chancelier federal è il chef da stab dal Cussegl federal.

2 Il chancelier federal:

- a. sustegna il president da la Confederaziun ed il Cussegl federal tar l'adempilment da lur incumbensas;
- b. ademplescha envers l'Assamblea federala las incumbensas ch'el ha survegnì da la Constituziun e da la lescha.

Art. 31 Organisaziun

1 Il chancelier federal maina la Chanzlia federala ed ha envers quella la medema posizion sco il chef d'in departament.

2 Ils vicechanceliers represchentan il chancelier federal.

3 Cun resalva d'ordinaziuns spezialas dal Cussegl federal sa drizzan l'organisaziun e la direcziun da la Chanzlia federala tenor las disposiziuns che valan per l'entira administraziun federala, cun excepziun da la part davart ils secretariats generals.

Art. 32 Cussegliaziun e sustegn

Il chancelier federal:

- a. cusseglia e sustegna il president da la Confederaziun ed il Cussegl federal tar la planisaziun e tar la coordinaziun sin plau guvernalental;
- b. elavura per il president da la Confederaziun il program da laver e la planisaziun dals affars e surveglia lur realisaziun;

²⁶ Integrà tras la cifra I da la LF dals 28 da settember 2012, en vigur dapi il 1. da schaner 2015 (CULF 2013 4549; Fegl uffizial federal 2002 2095, 2010 7811)

- c.²⁷ collavura tar la preparaziun e tar la realisaziun da las tractativas dal Cussegl federal ed è responsabel per il protocol sco er per la redaczun da las decisiuns;
- c^{bis}²⁸ surveglia per il Cussegl federal il stadi da ses affars e da las incaricas da l'Assamblea federala, guarda ch'il cuntegn dals affars e da las incaricas correspundia a la planisaziun da la legislatura, a las finamiras annualas dal Cussegl federal sco er ad ulteriuras planisaziuns da la Confederaziun e po suttametter propostas al Cussegl federal en cas da novs svilups;
- c^{ter}²⁹ analysescha a lunga vista e cuntuadament la situaziun ed ils conturns e rapporta cuntuadament al Cussegl federal en chaussa;
- d. prepara – en stretga collavuraziun cun ils departaments – ils rapports dal Cussegl federal a l'Assamblea federala davart las directivas da la politica guvernamental a davart la gestiun dal Cussegl federal;
- e. cusegglia il president da la Confederaziun ed il Cussegl federal tar la direzion generala da l'administraziun federala e surpiglia funcziuns da surveglianza;
- f. sustegna il Cussegl federal en la correspundenza cun l'Assamblea federala;
- g.³⁰ cusegglia e sustegna il Cussegl federal, per che crisas possian vegin percepidas a temp e vegin schliadas.

Art. 33 Coordinaziun

¹ Il chancelier federal procura la coordinaziun interdepartementala.

^{1bis} Sin plau organisatoric ademplescha el incumbens da coordinaziun interdepartementalas, per che crisas possian vegin percepidas a temp e vegin schliadas.³¹

² El procura la coordinaziun cun l'administraziun dal parlament. En spezial consultescha el il secretari general da l'Assamblea federala, sch'affars dal Cussegl federal u d'uffizis ch'en suttamess a quel concernant directament la procedura e l'organisaziun da l'Assamblea federala u dals Servetschs dal parlament. El po sa participar a las sesidas da la Delegaziun administrativa da l'Assamblea federala cun vusch consultativa.³²

²⁷ Versiun tenor la cifra I da la LF dals 28 da settember 2012, en vigur dapi il 1. da schaner 2014 (CULF **2013** 4549; Fegl uffizial federal **2002** 2095, **2010** 7811)

²⁸ Integrà tras la cifra I da la LF dals 28 da settember 2012, en vigur dapi il 1. da schaner 2015 (CULF **2013** 4549; Fegl uffizial federal **2002** 2095, **2010** 7811)

²⁹ Integrà tras la cifra I da la LF dals 28 da settember 2012, en vigur dapi il 1. da schaner 2015 (CULF **2013** 4549; Fegl uffizial federal **2002** 2095, **2010** 7811)

³⁰ Integrà tras la cifra I da la LF dals 28 da settember 2012, en vigur dapi il 1. da schaner 2015 (CULF **2013** 4549; Fegl uffizial federal **2002** 2095, **2010** 7811)

³¹ Integrà tras la cifra I da la LF dals 28 da settember 2012, en vigur dapi il 1. da schaner 2015 (CULF **2013** 4549; Fegl uffizial federal **2002** 2095, **2010** 7811)

³² Integrà tras la cifra 3 da l'agiunta da la LF dals 8 d'octobre 1999, en vigur dapi il 1. da schaner 2000 (CULF **2000** 273; Fegl uffizial federal **1999** 4809 5979)

Art. 33^a³³ Dretg da survegnir infurmaziuns

Il chancelier federal po pretender infurmaziuns dals departaments per ademplir sias incumbensas.

Art. 34³⁴ Infurmaziun

1 En collavuraziun cun ils departaments prenda il pledader dal Cussegl federal las mesiras adattadas per infumar la publicitat.

2 Il chancelier federal procura l'infurmaziun interna tranter il Cussegl federal ed ils departaments.

Terz titel: Administraziun federala**Emprim chapitel: Direcziun e princips da direcziun****Art. 35** Direcziun

1 Il Cussegl federal ed ils chefs dals departaments mainan l'administraziun federala.

2 Mintga cusseglier federal maina in departament.

3 Il Cussegl federal reparta ils departaments sin ses commembers; quels èn obligads da surpigiliar il departament che vegn surdà ad els.

4 Il Cussegl federal po far da tut temp ina nova repartiziun dals departaments.

Art. 36 Princips da direcziun

1 Il Cussegl federal ed ils chefs dals departaments fixeschan las finamiras da l'administraziun federala e mettan las prioritads.

2 Sch'els delegheschan l'adempliment direct d'incumbensas ad organisaziuns da project u ad unitads da l'administraziun federala, doteschan els quellas cun las cumpetanzas e cun ils medis finanzials necessarisi.

3 Els giuditgeschan las prestaziuns da l'administraziun federala e controlleschan periodicamain las finamiras ch'els han fixà.

4 Els guardan ch'ils collavuraturrs vegnian tschernids cun quità e procuran lur furmaziun supplementara.

³³ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

³⁴ Versiun tenor la cifra I da la LF dals 24 da mars 2000, en vigur dapi il 1. da settember 2000 (CULF 2000 2095; Fegl uffizial federal 1997 III 1568, 1999 2538)

Segund chapitel: Ils departaments**1. part: Schefs dals departaments****Art. 37** Direcziun e responsabladad

¹ Il chef dal departament maina il departament e surpiglia la responsabladad politica per tal.

² Il chef dal departament:

- a. fixescha las directivas da direcziun;
- b. deleghescha sche necessari l'adempilment direct d'incumbensas departamentalas ad unitads administrativas subordinadas ed a singuls collavuratur;
- c. fixescha l'organisaziun dal departament en il rom da questa lescha.

Art. 38 Instruments da direcziun

Entaifer il departament ha il chef dal departament da princip dretgs illimitads da dar directivas, da far controllas e d'intervegnir persunalmain. Resalvadas restan disposiziuns spezialas per singulas unitads administrativas u cumpetenzas regladas particularmain tras la legislaziun federala.

Art. 39 Collavuratur persunals

Il chef dal departament po nominar collavuratur persunals e definir lur incumbensis.

Art. 40 Infurmazion

En accord cun la Chanzlia federala prenda il chef dal departament las mesiras adattadas per infurmarr davart l'activitat dal departament; el fixescha, tgi ch'è responsabel per l'infurmazion.

2. part: Secretariats generals**Art. 41** Posizion

¹ Mintga departament dispona d'in secretariat general sco post da stab departamental general. Al post da stab pon er veginir delegadas autras incumbensis.

² Il secretari general è il chef dal stab dal departament.

Art. 42 Funcziuns

¹ Il secretariat general sostegna il chef dal departament tar la planisaziun, tar l'organisaziun e tar la coordinaziun da l'activitat dal departament sco er tar las decisioms che cumpetan al chef dal departament.

² El ademplescha funcziuns da surveglianza tenor las ordinaziuns dal schef dal departament.

³ El procura che las planisaziuns e las activitads dal departament vegnian coordina-das cun quellas d'auters departaments e dal Cussegl federal.

⁴ El sustegna il schef dal departament tar la preparaziun da las tractativas dal Cus-segl federal.

3. part: Uffizis e gruppas d'uffizis

Art. 43 Posiziun e funcziuns

¹ Ils uffizis èn las unitads administrativas pertantias; els procuran ils affars admini-stratifs.

² Il Cussegl federal fixescha tras ordinaziun la divisioн da l'administrazion federala en uffizis. El attribuescha als uffizis champs d'activitat uschè coerents sco pussaivel e fixescha lur incumbensas.

³ Il Cussegl federal attribuescha ils uffizis als departaments tenor ils criteris da la dirigibladad, dal connex da las incumbensas sco er da l'equiliber material e politic. El po far da tut temp ina nova repartizion dals uffizis.

⁴ Ils schefs dals departaments fixeschan ils princips organisatories dals uffizis ch'en attribuidas a lur departaments. Cun il consentiment dal Cussegl federal pon els unir ils uffizis a gruppas.

⁵ Ils directurs dals uffizis fixeschan l'organisazion detagliada da lur uffizis.

Art. 44³⁵ Unitads administrativas GIPPG

¹ Il Cussegl federal po manar unitads administrativas adattadas cun incarica da pre-staziun e cun preventiv global (unitads administrativas GIPPG). Per quest intent observa el ils princips da la gestiun publica orientada als resultats.

² En l'incarica da prestaziun ston las prestaziuns da las unitads administrativas GIPPG vegnir divididas tenor gruppas da products.

³ Avant che surdar ina incarica da prestaziun consultescha il Cussegl federal las cumissiuns parlamentaras cumpetentas da tuttas duas chombras.

Art. 45 Direcziun e responsablidad

Ils directurs da las gruppas e dals uffizis èn responsabels envers lur superiurs per manar las unitads administrativas ch'en subordinadas ad els sco er per ademplir las incumbensas ch'en delegadas ad els.

³⁵ Versiun tenor l'art. 65 cifra 2 da la Lescha da finanzas dals 7 d'october 2005, en vigur dapi il 1. da matg 2006 (CULF 2006 1275; Fegl uffizial federal 2005 5)

4. part: Secretaris dal stadi³⁶

Art. 45a³⁷ Nominazion e funcziun

¹ Il Cussegli federal po conferir il titel d'in secretari dal stadi a directurs d'uffizis u da gruppas ch'èn responsabels per champs d'incumbensa impurtants d'in departament. Uffizis u gruppas che vegnan manads d'in secretari dal stadi pon vegnir designads sco secretariats dal stadi.

² Ils secretaris dal stadi sustegnan e distgargian ils chefs dals departaments, en spezial en las relaziuns cun l'exterior.

Art. 46³⁸ Surdada temporara dal titel «secretari dal stadi»

Il Cussegli federal po surdar temporarmain il titel «secretari dal stadi» a persunas da l'administraziun federala, sch'ellas represchentan per sia incumbensa la Svizra a tractativas internaziunalas sin il nivel il pli aut.

Terz chapitel:³⁹ Taxas

Art. 46a

¹ Il Cussegli federal decretescha disposiziuns davart l'incassament da taxas adequatas per disposiziuns e per servetschs da l'administraziun federala.

² El regla l'incassament da taxas en il cas singul, en spezial:

- a. la procedura per incassar taxas;
- b. l'autezza da las taxas;
- c. la responsabladad en cas che pliras persunas èn obligadas da pajar taxas;
- d. la surannaziun da pretensiuns da taxas.

³ Reglond las taxas observa il Cussegli federal il princip d'equivalenza ed il princip da la cuvrida dals custs.

⁴ El po prevair excepziuns da l'incassament da taxas, sche quai è giustifitgà tras in interess public predominant envers la disposiziun u envers il servetsch.

³⁶ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

³⁷ Integrà tras la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

³⁸ Versiun tenor la cifra I da la LF dals 28 da settember 2012, en vigur dapi il 1. da schaner 2014 (CULF 2013 4549; Fegl uffizial federal 2002 2095, 2010 7811)

³⁹ Integrà tras la cifra I 3 da la LF dals 19 da december 2003 davart il program da distgargia 2003, en vigur dapi il 1. da schaner 2005 (CULF 2004 1633; Fegl uffizial federal 2003 5615)

Quart titel: Cumpetenzas, planisaziun e coordinaziun**Emprim chapitel: Cumpetenzas****Art. 47 Decisiuns**

- 1 Tut tenor l'importanza d'in affar decida il Cussegl federal, in departament, ina gruppia u in uffizi.
- 2 Il Cussegl federal fixescha tras ordinaziun, tge unitad administrativa ch'è cumpetenta per decider en singuls affars u en entirs champs d'affars.
- 3 Sch'ils departaments n'arrivan betg da sa cunvegnir davart la cumpetenza en il cas singul, decida il president da la Confederaziun.
- 4 Las unitads administrativas surordinadas ed il Cussegl federal pon surpigliar da tut temp singuls affars per decider davart tals.
- 5 Resalvadas restan las cumpetenzas ch'èn d'observar en mintga cas tenor la legislaziun davart l'organisaziun giudiziala. Sch'in recurs al Cussegl federal è inadmissibel, po quel dar directivas a l'autoritat administrativa federala cumpetenta, co che la lescha stoppia vegnir interpretada.
- 6 Sch'i sa tracta da prender disposiziuns ch'èn suttamessas ad in recurs tar il Tribunal administrativ federal, vegnan affars dal Cussegl federal confidads tenor la lescha al departament ch'è cumpetent en chaussa. Il recurs cunter disposiziuns dal Cussegl federal tenor l'artitgel 33 literas a e b da la Lescha dals 17 da zercladur 2005⁴⁰ davart il Tribunal administrativ federal resta resalvà.⁴¹

Art. 48 Legislaziun

- 1 Il Cussegl federal po delegar als departaments la cumpetenza da decretar normas da dretg. El resguarda la relevanza da las normas da dretg.
- 2 Ina delegaziun da la legislaziun a gruppas ed ad uffizis è mo admissibla, sch'ina lescha federala u in conclus federal impegnativ permetta quai.

Art. 48a⁴² Stipulaziun da contracts internaziunals

- 1 Il Cussegl federal po delegar ad in departament la cumpetenza da stipular contracts internaziunals. En cas da contracts d'ina relevanza limitada po el er delegar questa cumpetenza ad ina gruppia u ad in uffizi federal.
- 2 El rapporta annualmain a l'Assamblea federala davart ils contracts stipulads dad el sez, dals departaments, da las gruppas u dals uffizis federrals.

⁴⁰ CS 173.32

⁴¹ Versiun tenor la cifra 9 da l'agiunta tar la LF dals 17 da zercladur 2005 davart il Tribunal administrativ federal, en vigur dapi il 1. da schaner 2007 (CULF 2006 2197 1069; Fegl uffizial federal 2001 4202)

⁴² Integrà tras la cifra II 3 da l'agiunta da la Lescha dal parlament dals 13 da december 2002, en vigur dapi il 1. da december 2003 (CULF 2003 3543; Fegl uffizial federal 2001 3467 5428)

Art. 49 Autorisaziun da suttascriver

¹ Il chef dal departament po autorisar las suandardas persunas da suttascriver tscharts affars en ses num u sin sia incarica:

- a. il secretari general u las persunas che representant tal;
- b. ils commembors da la direcziun da gruppas e d'uffizis;
- c. ulteriuras persunas dal secretariat general en il rom da las cumpetenzas dal departament sco instanza da recurs.

² L'autorisaziun po er includer la suttascripziun da disposiziuns.⁴³

³ Ils directurs da las gruppas e dals uffizis reglan l'autorisaziun da suttascriver en lur sectur.

Art. 50 Relaziuns cun l'exterior

¹ Il Cussegl federal fixescha ils princips per la tgira da las relaziuns internaziunalas da l'administraziun federala.

² Las relaziuns cun las regenzas chantunalas èn chaussa dal Cussegl federal e dals chefs dals departaments.

³ En il rom da lur cumpetenzas tigran ils directurs da las gruppas e dals uffizis relaziuns directas cun autres autoritads ed auters uffizis federals, chantunals e communals sco er cun persunas privatas.

Segund chapitel: Planisaziun e coordinaziun⁴⁴**Art. 51** Planisaziun

Ils departaments, las gruppas ed ils uffizis planiseschan lur activitads en il rom da la planisaziun generala dal Cussegl federal. Ils departaments infurmeschan il Cussegl federal davart lur planisaziuns.

Art. 52 Coordinaziun a nivel guvernamental

Il Cussegl federal e sias delegaziuns sco er la Chanzlia federala liquideschan las incumbensas da coordinaziun ch'els han survegnì da la Constituziun e da la lescha.

Art. 53 Conferenza dals secretaris generals

¹ Sut il presidi dal chancelier federal dirigia la Conferenza dals secretaris generals l'activitat da coordinaziun en l'administraziun federala.

⁴³ Versiun tenor la cifra II 5 da la LF dals 20 da mars 2008 davart la rectificaziun formala dal dretg federal, en vigur dapi il 1. d'avust 2008 (CULF 2008 3437; Fegl uffizial federal 2007 6121)

⁴⁴ Versiun tenor la cifra I da la LF dals 20 da mars 2008 (Reordinaziun da las cumissiuns extraparlamentaras), en vigur dapi il 1. da schaner 2009 (CULF 2008 5941; Fegl uffizial federal 2007 6641)

² Sch'i n'existan nagins organs da coordinaziun spezials per tschertas incumbensas u per tscherts affars, ademplescha la Conferenza sezza incumbensas da coordinaziun, en spezial per preparar affars dal Cussegl federal.

³ Tenor conclus dal Cussegl federal po ella tractar affars interdepartamentals e preparar tals per mauns dal Cussegl federal.

⁴ Il secretari general da l'Assamblea federala po sa participar cun vusch consultativa a la Conferenza dals secretaris generals.⁴⁵

Art. 54 Conferenza d'infirmaziun

¹ La Conferenza d'infirmaziun sa cumpona dal pledader dal Cussegl federal e da las persunas ch'èn responsablas per l'infirmaziun en ils departaments. In representant dals Servetschs dal parlament po sa participar cun vusch consultativa.⁴⁶

² La Conferenza d'infirmaziun s'occupa dals problems currents dals departaments e dal Cussegl federal areguard l'infirmaziun; ella coordinescha e planisescha l'infirmaziun.⁴⁷

³ Il pledader dal Cussegl federal presidiescha la Conferenza d'infirmaziun.⁴⁸

Art. 55 Autors organs permanents da stab, da planisaziun e da coordinaziun

Il Cussegl federal ed ils departaments pon nominar auters organs da stab, da planisaziun e da coordinaziun sco conferenzas instituzionalisadas u sco unitads administrativas autonomas.

Art. 56 Organisaziuns da project interdepartamentalas

Il Cussegl federal po furmar organisaziuns da project che han l'intent d'elavurar incumbensas interdepartamentalas impurtantas da durada limitada.

⁴⁵ Integrà tras la cifra 3 da l'aggiunta da la LF dals 8 d'october 1999, en vigur dapi il 1. da schaner 2000 (CULF **2000** 273; Fegl uffizial federal **1999** 4809 5979)

⁴⁶ Versiun tenor la cifra I da la LF dals 24 da mars 2000, en vigur dapi il 1. da settember 2000 (CULF **2000** 2095; Fegl uffizial federal **1997** III 1568, **1999** 2538)

⁴⁷ Versiun tenor la cifra I da la LF dals 8 d'october 1999, en vigur dapi il 1. da schaner 2000 (CULF **2000** 273; Fegl uffizial federal **1999** 4809 5979)

⁴⁸ Versiun tenor la cifra I da la LF dals 24 da mars 2000, en vigur dapi il 1. da settember 2000 (CULF **2000** 2095; Fegl uffizial federal **1997** III 1568, **1999** 2538)

Terz chapitel:**Cussegliaziu externa da cumissiuns extraparlamentaras⁴⁹****1. part: Cussegliaziu externa⁵⁰****Art. 57** ...⁵¹

¹ Il Cussegl federal ed ils departaments pon consultar organisaziuns e persunas che n'appartegnan betg a l'administratzion federala.

² ...⁵²

2. part:⁵³ Cumissiuns extraparlamentaras**Art. 57a** Intent

¹ Las cumissiuns extraparlamentaras cussegliant permanentamain il Cussegl federal e l'administratzion federala tar l'adempilment da lur incumbensas.

² Ellas prendan decisiuns, uschenavant ch'ellas èn autorisadas da far quai sin basa d'ina lescha federala.

Art. 57b Premissas

Cumissiuns extraparlamentaras pon vegnir nominadas, sche l'adempilment da las incumbensas:

- a. premetta enconuschientschas spezialisadas particularas che n'èn betg avant maun en l'administratzion federala;
- b. pretenda ch'ils chantuns u auters circuls interessads vegnian integrads a temp; u
- c. duai vegnir confidà ad in'unitad da l'administratzion federala decentrala che n'è betg liada vi da directivas.

⁴⁹ Versiun tenor la cifra I da la LF dals 20 da mars 2008 (Reordinaziun da las cumissiuns extraparlamentaras), en vigur dapi il 1. da schaner 2009 (CULF **2008** 5941; Fegl uffizial federal **2007** 6641)

⁵⁰ Integrà tras la cifra I da la LF dals 20 da mars 2008 (Reordinaziun da las cumissiuns extraparlamentaras), en vigur dapi il 1. da schaner 2009 (CULF **2008** 5941; Fegl uffizial federal **2007** 6641)

⁵¹ Aboli tras la cifra I da la LF dals 20 da mars 2008 (Reordinaziun da las cumissiuns extraparlamentaras), en vigur dapi il 1. da schaner 2009 (CULF **2008** 5941; Fegl uffizial federal **2007** 6641)

⁵² Aboli tras la cifra I da la LF dals 20 da mars 2008 (Reordinaziun da las cumissiuns extraparlamentaras), en vigur dapi il 1. da schaner 2009 (CULF **2008** 5941; Fegl uffizial federal **2007** 6641)

⁵³ Integrà tras la cifra I da la LF dals 20 da mars 2008 (Reordinaziun da las cumissiuns extraparlamentaras), en vigur dapi il 1. da schaner 2009 (CULF **2008** 5941; Fegl uffizial federal **2007** 6641)

Art. 57c Nominaziun

- 1 Sche l'incumbensa po vegnir ademplida en moda pli adequata tras in'unitad da l'administrazion federala centrala u tras in'organisazion u ina persuna d'ordaifer l'administrazion federala, stoi vegnir desisti da nominar ina cumissiun.
- 2 Il Cussegl federal nominescha las cumissiuns extraparlamentaras ed elegia ses commembers.
- 3 Ils commembers vegnan elegids per ina perioda d'uffizi da 4 onns.
- 4 En cas da vacanza ha lieu in'elecziun cumplementara.

Art. 57d Examinaziun

La necessitat, las incumbensas e la cumposizion da las cumissiuns extraparlamentaras vegnan examinadas en general mintga 4 onns a chaschun da las elecziuns da renovaziun totala.

Art. 57e Cumposizion

- 1 Las cumissiuns extraparlamentaras dastgan per regla sa cumponer da maximalmain 15 commembers.
- 2 Resguardond lur incumbensas ston las duas schlattainas, las linguas, las regiuns, las gruppas da vegliadetgna e las gruppas d'interess esser reprezentadas en moda equilibrada en las cumissiuns extraparlamentaras.
- 3 Commembers da l'administrazion federala dastgan vegnir elegids mo en cas singuls motivads sco commembers d'ina cumissiun extraparlamentara.

Art. 57f Indicaziun da las relaziuns d'interess

- 1 Avant lur elecziun inditgeschan ils commembers da las cumissiuns lur relaziuns d'interess. Il Cussegl federal decretescha las disposiziuns executivas correspundentas.
- 2 Tgi che refusa d'inditgar sias relaziuns d'interess, na po betg vegnir elegì sco commember d'ina cumissiun.

Art. 57g⁵⁴ Indemnisaziun

- 1 Il Cussegl federal fixescha criteris unitars per l'indemnisaziun dals commembers da las cumissiuns.
- 2 L'autezza da las indemnisiuns è publica.

⁵⁴ En vigur dapi il 1. da schaner 2010 (CULF 2009 6135)

Quart chapitel:⁵⁵ Elavuraziun da datas

1. part: Documentaziu da la correspundenza e dals affars⁵⁶

Art. 57h⁵⁷

¹ Per registrar, administrar, indexar e controllar la correspundenza ed ils affars po mintga organ federal tenor la Lescha federala dals 19 da zercladur 1992⁵⁸ davart la protecziun da datas manar in sistem d'infurmazion e da documentazion. Quest sistem po cuntegnair datas spezialmain degnas da vegnir protegidas e profils da la personalitat, uschenavant che quels resultan da la correspundenza u da la natira da l'affar. L'organ federal respectiv po mo arcunar datas da persunas, sche quellas servan:

- a. ad elavurar ses affars;
- b. ad organisar ils andaments da lavour;
- c. a constatar, sch'el elavura datas davart ina tscherta persuna;
- d. a facilitar l'access a la documentazion.

² Mo ils collavuratur da l'organ federal respectiv han access a las datas da persunas, e quai mo, sch'els dovrان las datas per ademplir lur incumbensa.

³ Il Cussegl federal decretescha disposiziuns executivas davart l'organisaziun e la gestiun da queste sistems d'infurmazion e da documentazion sco er davart la protecziun da las datas da persunas ch'en cuntegnidas en queste sistems.

2. part:⁵⁹ Elavuraziun da datas da persunas tar l'utilisaziun da l'infrastructura electronica

Art. 57i Relaziun cun l'ulterieur dretg federal

Las prescripcziuns da questa part na valan betg, sch'ina autra lescha federala regla l'elavuraziun da las datas da persunas che resultan tras l'utilisaziun da l'infrastructura electronica.

⁵⁵ Oriundamain terz chapitel; integrà tras la cifra I da la LF dals 24 da mars 2000 davart la creaziun e l'adattaziun da basas legalas per elavurar datas da persunas, en vigur dapi il 1. da settember 2000 (CULF **2000** 1891; Fegl uffizial federal **1999** 9005)

⁵⁶ Integrà tras la cifra I da la LF dal 1. d'octobre 2010 (Protecziun da datas en il rom da l'utilisaziun da l'infrastructura electronica), en vigur dapi il 1. d'avrigl 2012 (CULF **2012** 941; Fegl uffizial federal **2009** 8513)

⁵⁷ Oriundamain art. **57a**

⁵⁸ CS **235.1**

⁵⁹ Integrà tras la cifra I da la LF dal 1. d'octobre 2010 (Protecziun da datas en il rom da l'utilisaziun da l'infrastructura electronica), en vigur dapi il 1. d'avrigl 2012 (CULF **2012** 941; Fegl uffizial federal **2009** 8513)

Art. 57j Princips

1 Ils organs federais tenor la Lescha federala dals 19 da zercladur 1992⁶⁰ davart la protecziun da datas na dastgan betg registrar ed evaluar datas da persunas che resultan tras l'utilisaziun da lur infrastructura electronica u da l'infrastructura electronica che vegg manada sin lur incarica, nun che quai saja necessari per ils intents numnads en ils artitgels 57l–57o.

2 L'elavuraziun da datas tenor questa part po er cumpigliar datas da persunas spezialmain degnas da vegin protegidas e profils da la personalitat.

Art. 57k Infrastructura electronica

L'infrastructura electronica cumpiglia tut ils indrizs ed apparats staziunars e mobils che pon registrar datas da persunas, en spezial:

- a. indrizs d'elavuraziun da datas, componentas da rait e software;
- b. arcuns da datas;
- c. apparats da telefon;
- d. stampaders, scanners, apparats da fax, fotocopiaders;
- e. sistems per registrar il temp da l'avur;
- f. sistems per controllar ils access ed ils locals;
- g. sistems da geolocalisaziun.

Art. 57l Registraziun da datas da persunas

Ils organs federais dastgan registrar per ils sustants intents las datas da persunas che resultan tras l'utilisaziun da l'infrastructura electronica:

- a. tut las datas, inclusiv il cuntegn da la posta electronica: per seguir quellas (kopias da segirezza);
- b. las datas davart l'utilisaziun da l'infrastructura electronica:
 1. per garantir la segirezza da las infurmaziuns e dals servetschs,
 2. per seguir il mantegniment tecnic da l'infrastructura electronica,
 3. per controllar ch'ils reglements d'utilisaziun vegin observads,
 4. per repersequitar l'access a collecziuns da datas,
 5. per registrar ils custs che resultan tras l'utilisaziun da l'infrastructura electronica;
- c. las datas davart las uras da l'avur dal personal: per administrar las uras da l'avur;
- d. las datas davart l'entrar u il bandunar edifizis e locals dals organs federais e davart la preschientscha en tals: per garantir la segirezza.

Art. 57m Evaluaziun che na sa referescha betg a persunas

Las datas registradas dastgan vegnir evaluadas senza referiment a persunas per ils intents tenor l'artitgel 57l.

Art. 57n Evaluaziun betg nominala che sa referescha a persunas

Las datas registradas dastgan vegnir evaluadas senza referiment nominal a persunas en furma da sondagis per ils sustants intents:

- a. per controllar l'utilisaziun da l'infrastructura electronica;
- b. per controllar las uras da lavur dal personal.

Art. 57o Evaluaziun nominala che sa referescha a persunas

¹ Las datas registradas dastgan vegnir evaluadas cun referiment nominal a persunas en furma da sondagis per ils sustants intents:

- a. per sclerir in suspect concret d'in abus da l'infrastructura electronica e per chastiar in abus cumprovà;
- b. per analisar ed eliminar disturbis da l'infrastructura electronica e per cum-batter smanatschas concretas da l'infrastructura electronica;
- c. per metter a disposiziun ils servetschs necessaris;
- d. per registrar e facturar las prestaziuns furnidas;
- e. per controllar las uras da lavur individualas.

² Las evaluaziuns tenor l'alinea 1 litera a dastgan mo vegnir fatgas:

- a. dals organs federais;
- b. suenter che la persuna pertutgada è vegnida infurmada en scrit.

Art. 57p Impediment d'abus

L'organ federal prenda las mesiras preventivas tecnicas ed organisatoricas necessarias per impedir abus.

Art. 57q Disposiziuns executivas

¹ Il Cussegl federal regla en spezial:

- a. la registraziun, la conservaziun e la destrucziun da las datas;
- b. la procedura da l'elavuraziun da las datas;
- c. l'access a las datas;
- d. las mesiras tecnicas ed organisatoricas per garantir la segirezza da las datas.

² Las datas dastgan vegnir conservadas mo uschè ditg sco necessari.

³ Questas disposiziuns executivas vegnan applitgadas per las datas dals commembers da l'Assamblea federala u dal personal dals Servetschs dal parlament, nun ch'ina ordinaziun da l'Assamblea federala disponia insatge auter.

Tschintgavel titel: Disposiziuns singulas e finalas

Emprim chapitel: Posizion giuridica

Art. 58 Sedia uffiziala

La citad da Berna è la sedia uffiziala dal Cussegl federal, dals departaments e da la Chanzlia federala.

Art. 59 Domicil dals commembers dal Cussegl federal e dal chancelier federal

Ils commembers dal Cussegl federal ed il chancelier federal pon tscherner libramain lur domicil, ma ston pudair cuntanscher entaifer curt temp la sedia uffiziala.

Art. 60 Incumpatibilitads professiunalas

¹ Ils commembers dal Cussegl federal ed il chancelier federal na dastgan avair nagin auter uffizi tar la Confederaziun u tar in chantun e na dastgan betg exercitar in'autra professiun u in auter mastergn.

² Els na dastgan er betg esser directurs u mainagestiuns ubain commembers da l'administraziun, dal post da surveglianza u dal post da controlla d'organisaziuns che han in'activitat economica.

³ Als commembers dal Cussegl federal sco er al chancelier federal èsi scumandà d'exercitar ina funcziun uffiziala per in auter stadi e da surpigliar titels ed onurificaziuns d'autoritads estras.⁶¹

Art. 61⁶² Incumpatibilitads persunalas

¹ Las suandardas persunas na pon betg esser il medem mument commembras dal Cussegl federal:

- a. duas persunas ch'en maridadas ina cun l'autra, che vivan en partenadi regi-strà u che mainan facticamain ina communidad da vita;
- b. parents e quinads en lingia directa u fin il quart grad en lingia lateral;
- c. duas persunas, da las qualas ils conjugals u ils partenaris registrads èn fra-gliuns.

⁶¹ Integrà tras la cifra I 2 da la LF dals 23 da zercladur 2000 davart titels ed onurificaziuns d'autoritads estras, en vigur dapi il 1. da favr 2001 (CULF 2001 114; Fegl uffizial federal 1999 7922)

⁶² Versiun tenor la cifra 4 da la Lescha da partenadi dals 18 da zercladur 2004, en vigur dapi il 1. da schanei 2007 (CULF 2005 5685; Fegl uffizial federal 2003 1288)

² Questa disposiziun vala tenor il senn tranter il chancelier federal ed ils commembars dal Cussegl federal.

Art. 61a⁶³

Segund chapitel: Approvaziun da decrets chantunals⁶⁴

Art. 61b⁶⁵

¹ Sch'ina lescha federala prevesa quai, suttamettan ils chantuns lur leschas ed ordinaziuns a la Confederazion per las laschar approvar; l'approvaziun è ina cundizion per lur valaivladad.

² En cas nundisputaivels approveschan ils departaments las leschas e las ordinaziuns.

³ En cas disputaivels decida il Cussegl federal. El po er approvar las leschas e las ordinaziuns cun resalva.

Terz chapitel: Infurmaziun davart contracts dals chantuns tranter els u cun l'exterior⁶⁶

Art. 61c⁶⁷ Obligaziun d'infurmaziun

¹ Ils chantuns infurmeschlan la Confederazion, sch'els fan contracts tranter els u cun l'exterior (chantuns contractants). Davart contracts cun l'exterior infurmeschlan els la Confederazion avant che concluder tals. La Confederazion ed ils chantuns tschertgan soluziuns consensualas.

² Betg suttamess a l'obligaziun d'infurmaziun n'èn contracts che:

- a. servan ad exequir contracts, davart ils quals la Confederazion è veginida infurmada;
- b. sa drizzan en emprima lingia a las autoritads u reglan dumondas tecnicas administrativas.

⁶³ Integrà tras la cifra II 3 da l'agiunta da la Lescha dal parlament dals 13 da december 2002 (CULF **2003** 3543; Fegl uffizial federal **2001** 3467 5428); abolì tras la cifra 2 da l'agiunta da la LF dals 17 da zercladur 2011 (Dumondas d'abolir l'immunitat), en vigur dapi ils 5 da december 2011 (CULF **2011** 4627; Fegl uffizial federal **2010** 7345 7385)

⁶⁴ Oriundamaïn avant l'art. 62; versiun tenor la cifra I da la LF dals 7 d'october 2005, en vigur dapi il 1. da zercladur 2006 (CULF **2006** 1265; Fegl uffizial federal **2004** 7103)

⁶⁵ Oriundamaïn art. 62, alura art. 61a; versiun tenor la cifra I da la LF dals 7 d'october 2005, en vigur dapi il 1. da zercladur 2006 (CULF **2006** 1265; Fegl uffizial federal **2004** 7103)

⁶⁶ Integrà tras la cifra I da la LF dals 7 d'october 2005, en vigur dapi il 1. da zercladur 2006 (CULF **2006** 1265; Fegl uffizial federal **2004** 7103)

⁶⁷ Integrà tras la cifra I da la LF dals 7 d'october 2005, en vigur dapi il 1. da zercladur 2006 (CULF **2006** 1265; Fegl uffizial federal **2004** 7103)

Art. 62⁶⁸ Procedura

- 1 La Confederaziun orientescha la publicitat en il Fegl uffizial federal davart ils contracts ch'èn vegnids communitygads ad ella.
- 2 Il departament cumpetent controllescha ch'il contract na cuntrafetschia betg al dretg ed als interess da la Confederaziun. El communitygescha il resultat da questa controlla als chantuns contractants entaifer 2 mais dapi l'orientaziun tenor l'alinea 1. Ils chantuns betg participads al contract (terzs chantuns) communitygeschan entaifer il medem termin lur eventualas objecziuns als chantuns contractants.
- 3 En cas d'objecziuns tschertgan il departament ed ils terzs chantuns ina soluziun consensuala cun ils chantuns contractants.
- 4 Sch'els na chattan betg ina cunvegna, pon il Cussegl federal ed ils terzs chantuns far protesta tar l'Assamblea federala entaifer 6 mais dapi l'orientaziun tenor l'alinea 1.

Quart chapitel:⁶⁹ Procedura da decisiun concentrada**Art. 62a** Consultazиun

- 1 Sch'ina lescha prevesa da concentrar las decisiuns tar in'unica autoritad (autoritad directiva) per projects sco edifizis e stabiliments, consultescha quella las autoritads spezialisadas pertutgadas, avant che prender sia decisiun.
- 2 Sche pliras autoritads spezialisadas èn pertutgadas, consultescha l'autoritad directiva quellas a medem temp; ella po dentant consultar quellas ina suenter l'autra, sche motivs particulars giustifitgeschan quai.
- 3 L'autoritad directiva fixescha in termin per las autoritads spezialisadas per prender posiziun; il termin importa per regla 2 mais.
- 4 L'autoritad directiva e las autoritads spezialisadas fixeschan en moda consensuala ils cas che na dovran excepcionalmain naginas posiziuns.

Art. 62b Eliminaziun da las differenzas

- 1 Sche las autoritads spezialisadas suttamettan posiziuns cuntradictorias u sche l'autoritad directiva n'è betg d'accord cun las posiziuns, fa ella entaifer 30 dis ina discussiun cun las autoritads spezialisadas per eliminar las differenzas; per quest intent po ella consultar ulteriuras autoritads u personas spezialisadas.
- 2 Sch'i reussescha d'eliminar las differenzas, è il resultat liant per l'autoritad directiva.

⁶⁸ Integrà tras la cifra I da la LF dals 8 d'october 1999 (CULF 2000 289; Fegl uffizial federal 1999 7922); versiun tenor la cifra I da la LF dals 7 d'october 2005, en vigur dapi il 1. da zercladur 2006 (CULF 2006 1265; Fegl uffizial federal 2004 7103)

⁶⁹ Oriundamaire segund chapitel^{bis}; integrà tras la cifra I 1 da la LF dals 18 da zercladur 1999 davart la coordinaziun e la simplificaziun da las proceduras da decisiun, en vigur dapi il 1. da schanet 2000 (CULF 1999 3071; Fegl uffizial federal 1998 2591)

³ Sch'i na reussescha betg d'eliminar las differenzas, decida l'autoritat directiva; en cas da differenzas considerablas tranter unitads administrativas dal medem departament instruescha quel l'autoritat directiva, co ch'igl è da decider. Sche plirs departaments èn pertutgads, elimineschan els las differenzas tranter els. En la motivaziun da la decisiun vegnan menziunadas las posiziuns divergentas.

⁴ Er suenter ch'ina eliminaziun da las differenzas ha già lieu, èn las autoritads spezialisadas autorisadas da defender envers in'autoritat da recurs lur agen puntg da vista davart la posiziun.

Art. 62c Termsins

¹ Per las proceduras d'approvaziun dals plans per edifizis e stabiliments fixescha il Cussegl federal termsins, entaifer ils quals la decisiun sto vegnir prendida.

² Sch'in da questes termsins na po betg vegnir observà, infurmescha l'autoritat directiva il petent inditgond ils motivs sco er il termin entaifer il qual la decisiun po vegnir prendida.

Tschintgavel chapitel:⁷⁰

Liberaziun da taglia e protecziun da la proprietad da la Confederaziun

Art. 62d Liberaziun da taglia

La Confederaziun sco er sias instituziuns, sias interpresas e sias fundaziuns dependentas èn liberadas da mintga imposiziun da taglia tras ils chantuns e las vischncas; exceptadas èn immobiglia che na servan betg directamain ad intents publics.

Art. 62e Responsabludad

¹ Ils chantuns èn responsabels envers la Confederaziun per donns vi da sia proprietad en consequenza d'in disturbì da l'urden public.

² Las prescripcziuns dals chantuns e da las vischncas davart obligaziuns da s'assicurar na valan betg per la Confederaziun.

Sisavel chapitel:⁷¹ Dretg da domicil

Art. 62f

En ses edifizis exequescha la Confederaziun sezza il dretg da domicil.

⁷⁰ Oriundamain segund chapitel^{ter}; integrà tras la cifra II 3 da l'agiunta da la Lescha dal parlament dals 13 da december 2002, en vigur dapi il 1. da december 2003 (CULF 2003 3543; Fegl uffizial federal 2001 3467 5428)

⁷¹ Oriundamain segund chapitel^{quarter}; integrà tras la cifra II 3 da l'agiunta da la Lescha dal parlament dals 13 da december 2002, en vigur dapi il 1. da december 2003 (CULF 2003 3543; Fegl uffizial federal 2001 3467 5428)

Settavel chapitel:⁷² Disposiziuns finalas

Art. 63 Aboliziun da la Lescha davart l'organisaziun da l'administraziun

La Lescha federala dals 19 da settember 1978⁷³ davart l'organisaziun e la gestiun dal Cussegl federal e da l'administraziun federala vegn abolida.

Art. 64⁷⁴

Art. 65⁷⁵

Art. 66 Referendum ed entrada en vigur

1 Questa lescha è suttamessa al referendum facultativ.

2 Il Cussegl federal fixescha l'entrada en vigur.

Data da l'entrada en vigur: 1. d'october 1997⁷⁶

⁷² Oriundemain terz chapitel

⁷³ CULF **1979** 114, **1983** 170 931 art. 59 cifra 2, **1985** 699, **1987** 226 cifra II 2 808, **1989** 2116, **1990** 3 art. 1 1530 cifra II 1 1587 art. 1, **1991** 362 cifra I, **1992** 2 art. 1 288 agiunta cifra 2 510 581 agiunta cifra 2, **1993** 1770, **1995** 978 4093 agiunta cifra 2 4362 art. 1 5050 agiunta cifra 1, **1996** 546 agiunta cifra 1 1486 1498 agiunta cifra 1]

⁷⁴ Aboli tras la cifra I da la LF dals 22 da mars 2002 davart l'adattaziun da disposiziuns d'organisaziun dal dretg federal (CULF **2003** 187; Fegl uffizial federal **2001** 3845)

⁷⁵ Aboli tras l'art. 65 cifra 2 da la Lescha da finanzas dals 7 d'october 2005, en vigur dapi il 1. da matg 2006 (CULF **2006** 1275; Fegl uffizial federal **2005** 5)

⁷⁶ COCF dals 3 da settember 1997

Agiunta

Midada d'autras leschas federalas

...⁷⁷

⁷⁷ Las midadas pon vegnir consultadas sut CULF **1997** 2022